

水庵

齋

魏本存署眉



光緒壬午冬
錢唐丁氏雕

定鄉小識卷一

錢塘張道少南

山水記 一 月輪山路

江上爲月輪山頂有天井有噴月泉持正泉
山澗底有金魚池山北爲毛湫峪山下爲龍
山渡折而南古有秦望山山東南舊有羅剎
石又東爲靈泉爲沙井又徐村有馬鞍山南
峯爲大灣山西爲小康塢東爲雲棲塢塢口
爲雞冠隴隴南爲百丈塢又南爲鷄籠山爲
唐家塢又南爲高麗山又西南爲排山又古

定鄉小識卷一

一

有石壁山沿江爲徐村嶺爲礪馬嶺雷嶺牛
馬頭嶺直至范村爲九龍頭又九溪出江爲
徐村浦

月輪山 咸涼臨安志在龍山西南瀕江以其形圓
如月故名西湖游覽志其上爲月輪峯湖山便覽
龍山支阜也在大慈山南二里康熙錢塘縣志在
龍山南瀕江形如月頂廓爲月輪峯旁倚六和塔
月輪山中隆旁橢彷彿半月岸江危石壁立若
壘古藤老樹陰鬱蔽日游人炎夏登陟涼風扇
秋可以消暑山東爲龍山鄉以溪爲界定北之

實首是山

釋契靈

月輪峯

東南好峯如月盈
開窗相見若為情
松聲謾謾晚
煙澹澗小瑓瑓秋月明

許承祖

字繩武號復齋自稱雪莊居士海甯人乾隆庚午副貢有西湖漁唱

月輪山

鏡圓山勢月輪同
影落清江一色空
信宿西巖蟾
魄度置身如在廣寒宮

天井 萬厯杭州府志月輪山之上有天井二大旱

定鄉小識卷一

二

水不竭湖山便覽月輪山有天然井

噴月泉 持正泉 西湖游覽志並在六和塔開化寺康熙錢塘縣志塔院有噴月泉持正泉

金魚池 咸淳臨安志在開化寺後山澗底有金銀魚康熙錢塘縣志塔院有金魚池

池亦稱金鯽池東坡游風水洞詩金鯽池邊不見君指此

蔣之奇

穎叔宜興人宋知杭州軍州事

金魚池

全體若金銀深藏如自珍
應知嗅餌者固自是常

鱗

毛湫峪 西湖游覽志在六和塔之北康熙錢塘縣志月輪山北爲毛湫峪

龍山渡 成化杭州府志在六和塔下對蕭山縣漁浦康熙錢塘縣志月輪山下爲龍山渡湖山便覽月輪山江面爲龍山渡

渡久廢今聚浙江驛前然月輪山徑對蕭山之冠山非漁浦也又成化志六和塔下又有漁山渡云與西興相望不遠攷漁山渡宋時在朱橋今在王安石寺前辨詳漁山渡下此特削諸

秦望山 咸淳臨安志兩朝國史志錢塘有秦望山舊志云在錢塘縣舊治之南一十二里一百步高一百六十丈周回一百步晏元獻公輿地志秦始皇東游登此山欲度會稽後唐同光中錢氏於秦望山建上清宮有巨石二十餘株自然成行名曰金洞門夢梁 諸山巖低處謂之秦望山湖壩雜記秦望山一名秦亭山秦始皇登山眺望見江濤洶涌不 渡江處也上祀真武顯赫非常西湖志纂秦望山在錢塘縣南十二里湖山便覽秦望山吳越備史云唐咸通中望氣者言錢塘有王氣命

侍御史許渾等賫璧座此山以厭之後唐同光中錢氏於山頂建上清宮今人但知會稽有秦望山錢塘秦望莫有能指示者矣月輪以南至於定山岡巒連屬無名號著稱秦望山應卽在是間也合舊志治南十二里說地正相當

秦望山今無定處可攷據南北史濮陽太守徐熙子孫三世結廬是山徐村命名實由徐氏則山當在徐村矣明夏時湖山勝槩記云南高峯其麓四出一過慈雲嶺登雲臺出包家鳳皇秦望三山多有吳越南宋故迹今建風雲雷雨山

定鄉小識卷一

四

川壇并報國勝果天龍龍華諸寺遶焉則是山與包家鳳皇相連當卽御校場其西宋有冲天觀似卽上清宮與舊治南十二里合又錢武肅王排衙石詩刻有建瑤壇禮玉京顯眞靈鎮上清語與秦望山建上清宮事相合且排衙石兩行排立與公所稱巨石成行者同狀其地高曠極江山奇偉之觀秦皇駐輦或在此處然攷咸淳臨安志記錢王新築羅城云自秦望山東瓦江干城門十南曰龍山今在六和塔西則秦望山亦宜近六和塔之西也愚案塔西近徐村

有大王山與五雲山東西對峙高峻雄傑意由秦皇得名或秦望省筆訛爲大王今縣志稱大灣則天音之轉也又咸淳志旣云山高一百六十丈而周回僅一百步與形勢不類一百步上當有脫字又陸氏誤以秦望爲秦亭不知棲霞嶺後近西溪處自別有秦亭山相傳亦祖龍駐蹕處不得合爲一也惟所云上祀真武似與吳越建上清宮事類又月輪至定山相去二十里今縣治至定山約三十里舊治益遠翟氏以此處岡巒無名號者當之云合舊志治南十二里之說夫定山而下龍門鳳髻諸山名號甚繁難於更僕彼自不知耳況遠近曹然且無論舊志所稱舊治在錢塘門道里不合卽今治亦不合也

定鄉小識卷一

五

薛

據

字第仕至尙書水部郎中贈給事中河東人天寶六年風雅古調科及

登秦望山

南登秦望山極目大海空朝陽半蕩漾晃朗天水紅溪壑爭噴薄江湖遞交通而多漁商客不悟歲月窮振縉迎早潮弭棹候長風予本萍泛者乘流任西東茫茫天際帆淒泊何時同將尋會稽迹從

此任公

全唐詩極目作目極遞作遞長一作遠

馬

湘

字自然錢塘人或曰鹽官人少爲吏好經史工文學後得仙去

登杭州秦望山

太乙初分何處尋空留厯數變人心九天日月移
朝夕萬里山川換古今風動水光吞遠嶠雨添嵐
氣沒高林秦皇漫作驅山計滄海茫茫轉更深

羅

隱

字昭諫餘杭人吳越給事

秦望山僧院

纚纚危岫倚滄洲聞說秦皇亦此游霸主卷衣纚
二世老僧傳錫已千秋陰厓水漱松根直蘇壁苔

定鄉小識卷一

六

侵畫像愁各是病來俱未了莫將煩惱問湯休

許承祖

秦望山

羅刹森嚴障碧瀾江流滾滾海漫漫仙山悵望知
何處始信乾坤玉宇寬

徐

渭

字文長號天池山陰人

登秦望山

素情忻晏游碩人事永矢上此萬仞山復沿北溪
水顧江海流神去蒼茫裏後峯千里來旁嶂兩
川起往昔窗巾翠今茲巔上視佳哉是觀游吾鄉

亦美

秦望山東南下折有峯紫鐵色錯豎似花蕊

土人呼雄鵝突余贈名花蕊峯

錯如鐵色紫出土幾千古寒空蕊尚繁秋水蓮難吐刻削差可擬帶插不添嫵宛如齒齟齬張叟訟所苦千秋獻組繡名號未得主直少讓中岑他山視應父借言花蕊峯來春開何處

右天池二詩有吾鄉信美之語味詩意當咏會

稽之秦望山蓋錢塘秦望山明時已晦也而二

詩康熙魏氏志已列入藝文姑附存之又柳亭

定鄉小識卷一

七

詩話云陸放翁有登鵝鼻峯絕頂訪秦刻石詩

鵝鼻正在秦望山東南據此正天池所云雄鵝

突也天池題畫每署鵝鼻山農以此

羅剎石 北夢瑣言杭州連歲潮頭直打羅剎石吳

越錢尚父俾張弓弩候潮至逆而射之由是漸退

羅剎石化而爲陸地遂列廩庾焉咸淳臨安志秦

望山晏公云近東南有羅剎石大石崔巍橫截江

濤商船海舶經此多爲風浪傾覆因呼爲羅剎每

歲仲秋旣望必迎潮設祭樂工鼓舞其上李建勳

詩曰何年遺禹鑿半里大江中白居易詩曰嵌空

石面標羅刹壓捺潮頭敵子胥後改名鎮江石五代開平中爲潮沙漲沒

羅隱詩羅刹江邊地欲浮

錢塘縣志錢

塘江又名羅刹江因江心有羅刹石風濤至此極險樵書郎云錢塘江舊有數石橫截江濤舟楫多爲所壞因呼爲羅刹石而江亦名之姚靖西湖志唐時郡守每歲仲秋旣望迎潮設祭樂工歌舞羅刹石五代時已漲沒陶篁村全浙詩話爭爲蕭山地詩話云按輿地志云近秦望山有大石崔巍橫絕江濤商船經此多爲風浪所傾因呼爲羅刹每歲仲秋旣望必迎潮設祭樂工歌舞

定鄉小識卷一

八

其上後改爲鎮江石五代開平中爲潮沙漲沒今不復見考紹郡秦望山在會稽山中錢塘秦望山在縣治南十二里見於臨安志然此石離西興岸只三里許故羅刹潮聲向爲蕭山八景之一則石屬蕭山不屬錢塘輿地志所云近秦望者誤矣因有羅刹石故江卽名羅刹江今江中或漲沙數里操船者必沿流上下避出此沙纔能轉篙對渡俗名套刹其刹字蓋本此按羅刹蕭山景中以浙江名羅刹江而蕭山西臨江口也非專指是石者故樵書云羅刹石今不

知所在今蕭邑志列八景中有羅刹潮聲誠通
人之論也夫西州羅刹之謔西州正指餘杭若
石近西興當歸越轄微之何不自嘲而反嘲白
傅陶氏駁晏志豈未見白詩耶況錢王射潮亦
以直打是石之故郡守迎祭端爲杭州至於江
中沙渚隨處皆有套刹之名總緣江起定鄉江
面號刹通者不一烏得據爲典要總之陶氏嫻
於吟咏而疎於攷據漁浦之爭要亦猶此然漁
浦跨屬三邑尙隸公家若是石究難移也許氏
西湖漁唱題注羅刹石按越絕書錢塘浙江有

定鄉小識卷一

九

岑石長丈四尺南北廣六尺漢天漢五年四月
岑石不見至七年岑石復見又杭州府志載康
熙十九年四月望日岑石復見不審卽是石否
錢塘西湖諸志皆不載錄之俟考按岑石乃浮
石宋天禧五年亦有此異至康熙年丁文策明
云浮石自西逆潮而下非羅刹有祗者比許氏
何妄度也又岑石魏氏志載災祥門云失載非

白居易

字樂天太原人長慶二年七月自中書舍
人出守杭州

微之重誇州居其落句有西州羅刹之謔因

嘲茲石聊以寄懷

君間西州城下事醉中疊紙爲君書嵌空石面標
羅刹壓捺潮頭敵子胥神鬼曾鞭猶不動波濤雖
打欲何如誰知太守心相似底滯堅頑兩有餘

按微之夸州宅旦暮景色兼酬前篇末句詩
落句云爲問西州羅刹岸濤頭衝突近何如又
寄樂天第二首落句云休學州前羅刹石一生
身敵海波又去杭州送王師範落句云得得
爲題羅刹石古來非獨伍員冤又樂天和
微之三石十日詩有石奇羅刹踞語

靈泉

一名虎跑泉

咸淳臨安志靈泉廣福院有靈泉一

泓覆之以亭湖山便覽在六和塔南徐俯蘇詩註
言廣福院亦有虎跑泉卽謂此靈泉也

靈泉別名虎跑特同名耳後夏氏郡志田氏游

定鄉小識卷一

十

覽志緣是泉名遂以定慧爲廣福翟氏於定慧
寺下辨云徐俯注蘇公虎跑泉詩旣引圖經二
虎跑地之文又云廣福院有虎跑泉蓋杭有兩
處此特旁引以備其說非謂寰中所居爲廣福
院也廣福舊名靈泉潛志別載在龍山路徐氏
亦明明自言杭有兩處豈得遂緣此混誤爲一
沙井 夢梁錄六和塔南沙上曰沙井上以鐵井闌
護之湖山便覽沙井在六和塔南上有鐵井闌明
一統志云昔有蛟龍自井出攻損江岸錢氏鑄鐵
闌鎮之刻八卦其上以象八方南宋以鐵井闌爲

城南廂之南界

靈泉沙井今已無蹟可求以定鄉之界自六和塔西南隸於定北泉井當在界中翟氏月輪山卷中列奏望山前今增後

馬鞍山 咸淳臨安志馬鞍山在兒門武狀元坊步司左軍後形如馬鞍故名夢梁錄諸山巖低處名馬鞍山康熙錢塘縣志馬鞍山郡志在五雲山稍北高五十丈周二里近黃山阪湖山便覽馬鞍山在八角峯東南臨安志云山在步司左軍後形如馬鞍故名步司左軍寨舊在山東面西爲小康塢

定鄉小識卷一

十一

有澗水自塢注溪澗在軍寨後說於此可攷信也山起二峯今以北峯爲馬鞍其南峯別名大彎馬鞍山中爲平岡而東西二峯對峙其形酷肖宋趙履常保壽院記云出臨安城而南沿江西行十餘里又支行逗入山崦五里峯巒錯峙前後環立如屏嶂複重保壽院於是在焉院山源發天目龍行騎奔派爲五雲又別爲保壽之山鞍旋鐙迴至是始就坦迤四旁諸山聯絡圍繞如拱如顧如與左右輔翼皆秀媚可愛此保壽山之大略也翟氏據是文次保壽院於馬鞍山

下且云今馬鞍山塢中有卵石砌道寬平處階
礎宛然土人相傳爲此院基趙云鞍起鐙迴者
其卽指馬鞍山形言歟然則馬鞍山可名保壽
山矣又聶氏志云焦山之支東南行爲馬鞍山
黃山阪魏氏志誤讀是文卽云近黃山阪不知
黃山阪在橫山路口徑由朱橋轉塘而進與馬
鞍相去十餘里烏得以黃山之馬鞍爲徐村之
馬鞍耶蓋黃山自別有馬鞍近黃山阪也

陸彥龍

字驥武錢塘人明孝廉陸振奇之孫善詩
古文有焚餘集

自虎跑歷馬鞍山憩九溪石壁精舍

定鄉小識卷一

十二

佳氣盈春山鳴珂轉前綏臨風一徘徊縱橫任所
思所思在深林佳茗皜於絲沉煙煮茗水鑿味別
澠淄幽賞動移晷晨光何熹微高興陟層山絕頂
窮巍巍猿狖向人笑虎豹爲我啼從游懾心目悲
風傷春萸策杖獨行邁鳴澗緣遙支列館疏傾厓
石壁延高樓披榛覓新術迴步迷故蹊三徑開蔣
生庭無求羊綦冥坐悟物化達理不可欺誰能同
妙善存情與推移

大灣山

一作大灣山
俗呼大王山

康熙錢塘縣志大灣山郡志

在五雲山東五里高一百二十丈周四里湖山便

覽馬鞍山起二峯今以北峯爲馬鞍其南峯別名
大彎縣志云大彎山在五雲山東五里高一百二
十丈而馬鞍山未識臨安志則又無大彎山山旣
取象馬鞍宜有二峯蓋馬鞍其總名矣

魏氏志次馬鞍於大灣下翟氏譏其未識不知
何故

小康塢 湖山便覽馬鞍山西爲小康塢有澗水自
塢注溪

雲棲塢 湖山便覽八角峯對岸爲雲棲塢因有路
達雲棲故得名

定鄉小識卷一

十三

鷄冠隴 湖山便覽雲棲塢口爲鷄冠隴龍井水注
溪之所

百丈塢 湖山便覽鷄冠隴南半里爲百丈塢臨安
志云慶善院初名百丈山夏英公竦請充功德院
改額舊有迎雲亭正觀亭百丈亭養高堂諸蹟五
燈會元載百丈慶善院僧淨悟語此百丈塢得名
始也

魏氏志於蓮池說法之雲棲塢下云雲棲塢前
爲百丈山蓋誤以溪上之塢與范村之塢同名
而百丈亦移於彼矣

鷄籠山

唐家塢 湖山便覽百丈塢由此南越鷄籠山爲唐
家塢百丈唐家二塢皆洩五雲山水注溪

高麗山 康熙錢塘縣志高麗山郡志在五雲山南
二里高二十五丈周二里湖山便覽唐家塢更南
爲高麗山

排山 咸淳臨安志排山在定山之北鄉夢梁錄范
村北鄉名排山康熙錢塘縣志排山郡志在五雲
山東一里高三十丈周三里

咸淳志疆域門定北鄉有排山里又山川門排

定鄉小識卷一

十四

山下云排山嶺在定山南鄉排當作牌嶺似在
金家嶺通白沙塢處辨詳白沙塢卷中山有明
胡端敏公墓

石壁山 湖山便覽九溪之西爲百丈塢相近有石
壁山有石壁寺吳越時建宋大中祥符時賜保勝
院額有僧行靖行紹居之紹於景祐初圓寂築塔
院西契嵩作塔表云石壁寺去杭二十里走龍山
而西窅然入深谷有溪流巖石之美據文當在百
丈五雲間今山名不著惟 國初陸彥龍有憇九
溪石壁精舍作

石壁山今無其名吳尺鳧南宋禠事詩注云朱存理鐵網珊瑚倪瓚題虞堪八世祖雍公古劔歌序云余訪青城山樵於錢塘之四壁山案此山之名咸淳志不載後來作志者均失之豈石壁卽四壁之譌歟然皆不可攷矣

釋契嵩

字仲靈居靈隱山永安蘭若有鐔津文集
二十卷行世

入石壁山

身似浮雲年似流入間擾攘只宜休老來已習青蘿子隱去應追帛道猷直入亂山甯計路定看落葉始知秋他時谷口人相過莫問裁詩謝五侯

定鄉小識卷一

十五

徐村嶺 咸淳臨安志徐村嶺一名薑擦子嶺在定山北鄉夢梁錄徐村嶺俗呼薑擦子嶺湖山便覽嶺下有徐村酒庫及抽解竹木場

薑擦子湖山便覽作江擦子

礪馬嶺 咸淳臨安志在錢塘定山北鄉

雷嶺 夢梁錄在錢塘定山北鄉

牛馬頭嶺 夢梁錄在錢塘定山北鄉

此二嶺疑卽咸淳志礪馬嶺而析之者也顧礪馬以馬墮言取峻險之義雷嶺不知何義牛馬頭則又以形名也似非一嶺蓋自徐村而上岡

嶺連接要爲九龍頭之有名者耳

九龍頭 在徐范村之間自六和塔至徐村爲嶺者
四徐村至范村爲嶺者五凡九嶺懷古田舍詩集
自錢塘江口至梵村凡過九山諺謂九龍頭

九龍皆面江不甚高峻瞰江如削時有崩圯而
赭峙不改諺云十龍九斫頭一龍不斫頭趕到
長河頭卽此舊志所載薑擦子嶺牛馬頭嶺皆
在九龍中嶺下瀕江有沙灘行旅憚於踰嶺徑
行沙石間然江潮怒漲拍岸衝厓必翻九龍頭
焉行者苦之

徐村浦 在徐村受九溪十八澗之水以達於江萬
麻杭州府志云九溪通徐村出大江明一統志云
十八澗東出錢塘江湖山便覽云九溪自煙霞嶺
下楊梅塢發源西南流會青灣宏法豬頭方家佛
石雲棲百丈唐家小康九塢之水以達徐村以其
九水合成故謂之九溪老龍井水自西北注合於
此浦上有橋曰徐村橋